



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1360/13
Sarajevo, 24.7.2013. godine

02-50-6

ly

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:			
Organizaciona jedinica	Klasifikaciona oznaka	Redni broj	Broj priloga
02-50-6		16-28	13

25.07.2013

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 58. sjednici održanoj 24.7.2013. godine, utvrdilo je Odgovor na izaslaničko pitanje koje je Stjepan Krešić, izaslanik u Domu naroda Parlamentarne skupštine Bosne i Hercegovine, postavio na 28. sjednici Doma.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1360/13
Sarajevo, 24.7.2013. godine

STJEPAN KREŠIĆ, izaslanik u Domu naroda Parlamentarne skupštine Bosne i Hercegovine, na 28. sjednici ovog Doma održanoj **16.04.2013. godine**, postavio je Vijeću ministara BiH, odnosno Ministarstvu sigurnosti BiH sljedeće izaslaničko pitanje koje glasi:

2. „Da li Vijeće ministara BiH planira nabavku kanadera za ovu ljetnu sezonu?”

Poznato je da je prošlo ljeto bilo izuzetno sušno i da je izgorjelo šume u vrijednosti 10 kanadera. Da se ne desi ista katastrofa.“

Na postavljeno pitanje, Vijeće ministara Bosne i Hercegovine je na 58. sjednici održanoj 24.07.2013. godine, utvrdilo sljedeći

ODGOVOR

Ministarstvo sigurnosti Bosne i Hercegovine na postavljeno izaslaničko pitanje sukladno odredbama Okvirnog zakona o zaštiti i spašavanju ljudi i materijalnih dobara od prirodnih ili drugih nesreća (Službeni glasnik BiH“ broj 50/08), daje sljedeći odgovor:

Konkretne aktivnosti oko nabave kanadskog amfibijskog zrakoplova namjenjenog za gašenje požara – Canadair (modeli CL-215 ili CL-415) kojim bi bili gašeni požari u Bosni i Hercegovini nikada nisu službeno pokrenute od bilo koje institucije državne ili lokalne razine.

a) U predhodnom višegodišnjem razdoblju učestale su stručne i političke polemike o mjerodavnostima u oblasti vatrogastva, posebice o mjerodavnostima oko eventualne nabave letjelica za gašenje požara. Osnovna mjerodavnost za operativno djelovanje u slučaju požara je decentralizirana i izvršava se po sustavu supsidijarnosti od lokalne razine do razine institucija Bosne i Hercegovine.

b) Činjenica je da se na prostoru Bosne i Hercegovine svake godine dešava veliki broj požara otvorenog prostora sa velikim materijalnim štetama, što rezultira stalnim zahtjevima za angažiranje Oružanih snaga Bosne i Hercegovine kao i zahtjevima za angažiranje pomoći u vidu pozivanja međunarodnih zračnih snaga. Ministarstvo sigurnosti BiH je u više navrata pokušavalo inicirati razgovore o sustavnom uređenju vatrogastva na razini Bosne i Hercegovine. Svi naponi u ovom smjeru bili su odbijeni od strane mjerodavnih entitetskih tijela prvenstveno iz političkih razloga.

c) Na inicijativu Ministarstva sigurnosti Bosne i Hercegovine Vijeće ministara BiH donijelo je Odluku o utemeljenju radne skupine za izradu studije „Gašenje šumskih požara u Bosni i Hercegovini“ (Službeni glasnik BiH broj: 41/2013). Radna skupina ima zadaću da do kraja srpnja 2013.godine Vijeću ministara Bosne i Hercegovine dostavi prijedlog studijskog dokumenta koji će, između ostalog, sadržavati i ekspertske prijedloge za nabavu opreme i materijalno tehničkih sredstava, uključujući i letjelice za gašenje požara.

Za očekivati je da bi rezultati rada Radne skupine mogli biti implementirani u narednom razdoblju. Uvažavajući težinu problema i štete koje svake godine pretrpi Bosna i Hercegovina, suočavajući se sa požarima na raznim lokalitetima, Ministarstvo sigurnosti BiH će zastupnike i izaslanike oba doma Parlamentarne skupštine Bosne i Hercegovine blagovremeno informirati o rezultatima rada navedene Radne skupine.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1360/13
Sarajevo, 10.7.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-07-2013

Organizaciona jedinica	Klasifikacione oznake	Redni broj	Broj priloga
02-50-6		16	28/13

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na prvo izaslaničko pitanje koje je Stjepan Krešić, izaslanik u Domu naroda Parlamentarne skupštine Bosne i Hercegovine, postavio na 28. sjednici Doma.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-1360/13
Sarajevo, 10.7.2013. godine

Gospodin Stjepan Krešić, izaslanik u Domu naroda Parlamentarne Skupštine Bosne i Hercegovine, na 28. sjednici Doma naroda održanoj 16.04.2013. godine, postavio je dva izaslanička pitanja. Prvo izaslaničko pitanje, koje je iz domena nadležnosti Ministarstva komunikacija i prometa Bosne i Hercegovine, je sljedeće:

„Autocesta na Koridoru Vc od Južne granice BiH (Bijača) do čvora Zvirovići (kod Čapljine) se radi po planu i bit će puštena u promet krajem 2014. g.
„Osporena“ je daljnja trasa prema Mostaru i to prijelaz Neretve južno od Počitelja. Je li utvrđena i isprojektovana nova trasa autoceste sjeverno od Počitelja?“

Na postavljeno pitanje, Vijeće ministara Bosne i Hercegovine je na 56. sjednici održanoj 10. 07. 2013. godine, utvrdilo sljedeći

ODGOVOR

Za južnu, prometno funkcionalnu dionicu Autoceste na Koridoru Vc, Mostar sjever – Bijača (granica jug), dužine 58 km, osigurano je financiranje pod-dionice Počitelj-Bijača, dužine 21 km, na sljedeći način:

1. Poddionica Zvirovići-granica jug, dužine 10 km, operativna su sredstva iz EBRD kredita, očekuje se poštanje u promet dijela poddionice petlja Zvirovići-Bijača, dužine oko tri kilometra (što uključuje i granični prijelaz Bijača), sredinom 2013. godine,
2. Poddionica Počitelj-Zvirovići, dužine 11 km, nakon definiranja položaja mosta Počitelj, prema dogovorenom kreditnom sporazumu sa EIB bankom.

Za poddionicu Mostar sjever-Počitelj, dužine 47 km, sporan je položaj trase i financiranje nije osigurano.

Nova projektna dokumentacija za poddionice Mostar - Počitelj i Počitelj-Zvirovići nije urađena. Plan je da se glavni projekat poddionice Počitelj-Zvirovići, (dužine 11 km, za položaj trase, za koju se mogu dobiti potrebne saglasnosti i dozvole) financira iz donacije iz sredstava WBIF/EIB/EWBJF. (WBIF, Okvir za ulaganja na Zapadnom

Balkanu; EIB, Europska investicijska banka; EWBJF, Zajednički europski fond za Zapadni Balkan).

S tim u vezi, 14.11.2012. godine potpisan je Sporazum između Ministarstva financija i trezora BiH i JP Autoceste Federacije BiH sa EIB-om o donaciji od dva miliona eura. Procedura odobravanja i stupanja na snagu Sporazuma je u završnoj fazi. Prema Sporazumu, predviđena je izrada, citat: „Pripremne studije za dionicu autoceste Počitelj – Zvirovići, (uključujući idejni projekat, procjenu uticaja na okoliš, studiju izvodljivosti i glavni projekat)“.

Dakle, planirano je i u fazi je nabavke usluga izrade glavnog projekta za dionice Počitelj-Zvirovići, za sjeverni položaj trase, za koju se mogu dobiti potrebne saglasnosti i dozvole. Inače, dionica je na spisku financiranih dionica u Kreditnom sporazumu sa EBRD-om iz 2008. godine, unutar dionice Počitelj-Bijača, dužine 21,4 km.

Za poddionicu Mostar-Počitelj, dužine 47 km, sporan je položaj trase u širem području Blagaja i izrada neke nove studijske i projektne dokumentacije trenutno nije aktualna.